

山有樞

山有樞，^①隰有榆，^②子有衣裳，弗曳，弗婁；^③子有車馬，弗馳，弗驅，宛^④其死矣，他人是愉！^⑤

①此諷唐人毋太儉也。 ②樞，刺榆也，其針刺如柘，其葉如榆。 ③榆，白榆也。 ④婁，古讀如閭，牽也。

⑤宛，即苑之假借，枯病也。 ⑥愉，樂也。

山有栲，^①隰有杻，^②子有廷內，^③弗洒，弗埽；子有鐘鼓，弗鼓，弗考；^④宛其死矣，他人是保！

①栲，古讀如糗，山樗也，似漆樹。 ②杻，音紐（ㄉ一ㄨㄟ），木名，可為弓材。 ③廷內，謂庭與堂室也。 ④

考，致之假借，斂也，斂擊也。

山有漆，隰有栗，子有酒食，何不日鼓瑟，且以喜樂，且以永日；宛其死矣，他人入室！

敝笱①

敝笱②在梁，其魚魴鰈③；齊子歸止④，其從如雲。

①此刺魯桓公不能防閑文姜也，以敝笱不能制大魚為比。——文姜，齊襄公之妹，魯桓公之妻，而襄

公通之。②笱音苟（《又》）罟也；說文，笱，曲竹捕魚。③魴鰈讀如房關，大魚也。④歸反歸于齊也；

春秋魯桓公十八年，公與夫人姜氏如齊。

敝笱在梁，其魚魴鱣①；齊子歸止，其從如雨。

①鱣音序（△山）即鱣魚，厚而頭大。

敝笱在梁，其魚唯唯①；齊子歸止，其從如水。

①唯唯出入而無所忌之貌。

新臺①

新臺有泚②，河水瀾瀾③；燕婉之求④，籊籊不鮮⑤。

①此刺衛宣公也。宣公爲其子伋娶于齊，而聞其美，欲自娶之，乃作新臺于河上而要之。國人惡而作此。②新臺在濮州鄆城縣東北，北去河四里。——鄆城，今山東濮縣。泚音此（七），水中臺影鮮明之貌。③瀾，音米瀾瀾盛也。④燕好貌，指伋也。⑤籛條讀如渠除，與戚施蓋皆醜惡之通稱，喻宣公也。鮮古讀如犀。

新臺有洒，①河水浼浼，②燕婉之求，籛條不殄。③

①洒古讀如銑，與洗雙聲。古通用，洗者鮮也。②浼，古讀如免，浼浼水流平貌。③殄與珍，古字同，珍，美也。

魚網之設，鴻則離之；①燕婉之求，得此戚施，②

①離讀爲麗，古音羅，魚網所以求魚，今得鴻，所得非所求也。②施古讀式何反。

陳說詩

常棣①

常棣之華，①鄂不韡韡；②凡今之人，莫如兄弟！

①此古燕兄弟之樂歌，陳兄弟所以相親厚之詞。②常棣木名，葉狹長，實如櫻桃而圓，有微毛。

鄂同萼，花苞也，在花瓣外部。不讀若膚，與跗同，花蒂也。韡韡讀如偉偉，光明也。

死喪之威，①兄弟孔懷；原隰裒矣，②兄弟求矣。

①威畏也。言死喪可畏之事。②原隰陵谷也。裒與襃同，長也。

脊令在原，①兄弟急難；每有②良朋，況也永歎。③

①脊令讀積零，水鳥也，其性飛則鳴，行則搖，失水在原，鳴搖更甚，兄弟之急難者似之。②每有，猶雖

有也。③況滋也，益也。言徒滋永歎而已。

兄弟鬩^①于牆，外禦其務^②；每有良朋，烝也無戎^③。

①鬩音吸(十一)相忿爭也。②務，侮之假借。③烝，衆也；戎，助也；一說，疑古有汝音。

喪亂既平，既安且寧；雖有兄弟，不如友生^①！

①此章或以爲反言，或以爲追思。自第三章至此章，舉朋友以明兄弟之當親。

儻爾籩豆，飲酒之飫^①；兄弟既具，和樂且孺^②。

①儻，陳也；籩，古之食器，竹製，祭祀燕享用之。豆，古讀田，故反，今關中人讀爲渡，古禮器，以木爲之。②飫，饜也。

籩

③具，俱也。④孺，小兒慕父母之狀也。



豆



妻子好合，如鼓瑟琴；兄弟既翕，和樂且湛^①。

①翕音吸(十一)合也。②湛音耽(力弓)樂之久也。

宜爾室家，樂爾妻帑^①；是究是圖，亶其然乎^②！

①家古讀如姑。 ②祭與拏同。 ③究窮也。圖謀也。 ④亶旦上聲，信也。自第六章至此章，舉妻子以明兄弟之當厚。

賓之初筵 ①

賓之初筵，②左右秩秩；③籩豆有楚，④殺核維旅，⑤酒既和旨，⑥飲酒孔偕；⑦鐘鼓既設，舉疇逸逸。⑧大侯既抗，⑨弓矢斯⑩張；射夫既同，⑪獻爾發功！⑫發彼有的，⑬以祈爾爵。⑭

①此衛武公戒酒之作，寫酒客醉態，曲繪無遺。 ②初筵初即席也；鋪陳曰筵，藉之曰席。 ③左右賓

主揖讓也。秩秩有序也。散起無韻。 ④楚列貌。 ⑤殺同肴，豆實菹醢也。核籩實桃梅之屬。旅古讀如

魯，陳也。 ⑥和旨調美也。 ⑦偕古讀如几，多而齊也。 ⑧醢音

(ㄟ又)爵也。逸逸往來有序也。 ⑨抗張也。 ⑩斯猶乃也。 ⑪同取耦 爵

也；射禮，選羣臣為三耦，——二人稱耦，——三耦之外，其餘各自取匹，謂



之衆耦。⑤發功發矢中的之功也。⑥有語助也的古讀如照，質也，侯中所畫之地爲質。⑦所求

也。爾射耦相謂也。射之禮，勝者飲不勝者，故曰祈爾爵也。⑧此章言因射而飲者之威儀。

籥舞笙鼓，①樂既和奏，②烝衍烈祖，③以洽④百禮。百禮既至，有壬有林，⑤『錫

爾純嘏，⑥子孫其湛。⑦』其湛曰⑧樂，各奏爾能，⑨賓載手仇，⑩室人入又，⑪『酌

彼康爵，以奏爾時。⑫』⑬

①籥音藥（ㄩㄥˋ），樂器，似笛而短。籥舞秉籥而舞，與笙鼓相應也。②奏古讀

則鼓反。③烝進也。衍音看（ㄩㄢˋ），樂也。④洽合也。⑤壬大也。林盛也。

⑥錫爾尸致主人之詞。嘏音古（ㄍㄨˇ），純嘏大福也。⑦其猶乃也。湛音耽


（ㄉㄢˋ），久也。⑧曰聿也，語詞。⑨各奏爾能謂子孫各呈獻其將事之能，洗

爵以獻尸也。⑩載語詞。仇音拘（ㄑㄡˊ），挹取酒也。⑪室人室中有事者，謂

佐食也。又古讀如肄，加爵也。⑫時時物也。⑬此章言因祭而飲者之威儀。

賓之初筵，温温其恭。其未醉止，威儀反反；①日既醉止，威儀幡幡，②舍其坐遷，屢

籥



舞僂僂。③其未醉止，威儀抑抑。④曰既醉止，威儀忸忸。⑤是曰既醉，不知其秩。⑥

①反反顧禮也。②幡幡讀如翻翻，失威儀也。③僂僂軒舉之狀。④抑抑慎密也。⑤忸忸讀如

弼弼，媒媪也。⑥自此章以下，言今日飲酒之失。

賓既醉止，載號載呶。①亂我籩豆。②屢舞僛僛。③是曰既醉，不知其郵。④側弁之
俄。⑤屢舞僂僂。⑥既醉而出，並受其福。⑦醉而不出，是謂伐德。⑧飲酒孔嘉，維其

令儀。⑨

①呶古讀如奴，謹也。②豆古讀如渡。③僛僛讀如欺欺，傾側之狀。④郵古讀如怡，與尤同，過

也。⑤俄頃也。⑥僂僂讀如娑娑，盤旋不休貌。⑦福古讀如福。⑧伐德害德也。⑨儀古讀如

俄。

凡此飲酒，或醉或否；既立之監，①或佐之史。②『彼醉不臧，③不醉反恥；式勿從
謂，④無俾大怠。匪言勿言，匪由勿語。⑤由醉之言，俾出童羖。⑥三爵不識，⑦矧敢

多又！⑧』

①監司正也，節糾儀。②史所以佐監者也。③此句下俱設為監史告戒之言。④式語詞勿從謂

監史告不醉者也。凡人見醉者多隨其意而謂之，使醉者益放肆而至於大怠，故戒其勿如此也。⑤

匪言二句，謂不當言者勿與之言，不當從者勿與之語也。⑥殺音古（《X》）童殺無角之殺羊，乃

必無之物也。⑦三爵不識言三爵之後，即醉而不識人事矣。⑧又古讀如肄。

抑

抑抑威儀，維德之隅；①人亦有言，靡哲不愚；②庶人之愚，亦職維疾；③哲人之

愚，亦維斯戾。④

①此篇武公所作，使人日誦於其側以自儆也；抑亦作懿，懿抑古通聲。②抑抑密也。③隅廉角也。

——堂之側邊。古之賢者，道行心平，可外占而知內，如宮室之制，內有繩直，則外有廉隅。④大智若

愚也。⑤職主也。庶人之愚是真愚，故以愚為疾。⑥戾善也。哲人以愚成哲，斯以愚為善耳。

無競維人，四方其訓之；①有覺德行，四國順之。②訐謨定命，遠猶辰告，③敬

慎威儀，維民之則。

①無競競也，言自強也。無發聲助也。②訓與順古同聲通用。③覺著也。④訃音吁（T U）訃

謨大謀也。定命審號令也。⑤遠猶遠圖也。辰告時告戒也。

其在于今，興迷亂于政，①顛覆厥德，荒湛②于酒；女雖湛樂從，③弗念厥紹；④罔

敷求先王，⑤克共明刑。⑥

①興語詞也。政與刑協韻。②湛，醜之段借，讀如耽。③女同汝，武公使人誦詩命己之詞也。雖維也，

古雖維聲通。④紹承也。⑤罔不也。敷廣也。⑥共古拱字。刑法也。

肆皇天弗尙，①如彼泉流，無淪胥以亡！②夙興夜寐，沬掃廷內，維民之章；③脩爾

車馬，弓矢戎兵，④用戒⑤戎作，用邊⑥蠻方。

①肆故也。尙祐也。②無發聲。淪率也。胥相也。淪胥相率也。③章表也。④兵古讀必良反。⑤戒

備也。⑥邊音剔（去）除也。

質①爾民人，謹爾侯度，②用戒不虞；③慎爾出話，敬爾威儀，④無不柔嘉。白圭之

玷，^⑤尚可磨也；斯言之玷，不可爲也！^⑥

^①質，鹽鐵論引此作誥，誥當爲詰字之譌，詰謹也。^②侯度諸侯行孝曰度，故以二字並稱。^③不虞

非度也，古不非同。^④儀古讀如俄。^⑤玷音店（ㄉㄧㄢˋ），玉病。^⑥爲古讀如譌。

無易由言！^①無曰：『苟矣，^②莫捫朕舌，^③』言不可逝矣！^④無言不讐，^⑤無德不

報。惠于朋友，^⑥庶民小子；子孫繩繩，萬民靡不承。^⑦

^①易，去聲。由於也。^②苟，苟且也。^③捫，捫持也。朕，我也。^④不語詞。逝，往也。^⑤讐，答也。^⑥友，古讀

如以。^⑦承奉也。

視爾友君子，^①輯^②柔爾顏，不遐有愆；^③相^④在爾室，尙不愧于屋漏；^⑤無曰：

『不顯，莫予云覲；^⑥』神之格思，^⑦不可度^⑧思，矧可射^⑨思！

^①友君子，卽上章所云朋友也。^②輯音集（ㄐㄧˊ），和也。^③不發聲。遐，遠也。愆，過也。^④相，視也。

^⑤尙，庶幾也。屋漏，當室之白，日光所漏入也。漏，古讀如路。^⑥云語詞。覲，古讀如故，見也。^⑦格，格之

假借，至也。思，語已詞。^⑧度，入聲，測也。^⑨射，與敦通，轉音豫，厭也。

辟爾為德，^①俾臧，俾嘉；淑慎爾止，^②不愆于儀；不僭，不賊，^③鮮不為則。投我以桃，報之以李，彼童而角，^④實虹^⑤小子。

^①辟，明也。為語助詞。^②止，容止也。^③僭，差也。賊，害也。^④童，羊之無角者也。^⑤虹，亂也。讀為訃。

此假借字。

荏染^①柔木，言緝之絲；^②溫溫恭人，維德之基。其維哲人，告之話言，順德之行；其維愚人，覆謂我僭，^③民各有心！

^①荏染，柔貌。^②言語詞。緝，被也。施也。被絲猶言安弦。^③覆，猶反也。僭，不信也。

於乎^①小子！未知臧否；匪手攜之，言示之事；匪面命之，言提其耳；借曰未知，亦既抱之。民之靡盈，^②誰夙知而莫^③成？

^①於乎，即嗚呼。^②靡盈，不自滿也。^③莫，與暮同。

昊天孔昭，我生靡樂；視爾夢夢，我心慘慘；^①誨爾諄諄，聽我藐藐；匪用^②為教，覆用為虐；借曰未知，亦聿既耄。^③

①慘慘當作慄慄 ②用猶以也 ③八十九十日耄

於乎小子！告爾舊止；聽用我謀，庶無大悔。天方艱難，曰喪厥國；取譬不遠，昊天不忒；回遹其德，俾民大棘。

①舊舊章也。 ②忒，差也。 ③通，音聿（口）回遹，邪僻也。 ④棘，急也。考詩十二章，惟以慎德聽言

為主，慎威儀慎言，皆以慎德，明哲所以知言。

五經通考

卷之四

禮記

祭義

第十

十一

十二

十三

十四

十五

十六

十七

十八

中華民國二十六年五月初版
中華民國三十六年二月三版

(80232)

中學國文補充
讀本第一集
詩經選讀一冊

定價國幣貳元伍角

印刷地點外另加運費

選註者 繆天綬

主編者 丁王 張雲 寄音 岫五

上海河南中路

發行人 朱經農

印刷所 商務印書館

發行所 商務印書館

版權所有
翻印必究

